

Broj:02- 3325 /2018
Bihać,01.06.2018. godine

Na osnovu člana 3. Ugovora o načinu realizacije prijema diplomanata Univerziteta u Bihaću u kantonalne organe državne službe kao lica na stručnom osposobljavanju bez zasnivanja radnog odnosa, zaključenog između Ureda Vlade USK-a (broj:20-38-5719-1/2018 od 15.05.2018. godine) i Rektora Univerziteta u Bihaću (broj:02-2831/2018 od 15.05.2018. godine) **raspisuje se o t v o r e n i**

JAVNI POZIV

**studentima koji su diplomirali na Univerzitetu u Bihaću
za prijavljivanje na evidenciju lica za stručno osposobljavanje, bez zasnivanja radnog odnosa u
kantonalne organe državne službe Unsko-sanskog kantona**

I Poziv se upućuje svim diplomiranim studentima Univerziteta u Bihaću koji su diplomirali do 15.05.2018. godine, koji iskažu želju za stručnim osposobljavanjem bez zasnivanja radnog odnosa u kantonalnim organima državne službe Unsko-sanskog kantona.

II Diplomanti koji su diplomirali nakon 15.05.2018. godine, evidentirat će se na osnovu ličnog zahtjeva za uvrštavanjem na evidenciju lica za stručno osposobljavanje bez zasnivanja radnog odnosa, putem studentske službe fakulteta, a na osnovu propisanog obrasca.

III Evidencija diplomanata iz tačke I i II Javnog poziva vodit će se hronološki, prema vremenu zaprimanja zahtjeva za uvrštavanjem na evidenciju lica za stručno osposobljavanje bez zasnivanja radnog odnosa, na propisanom obrascu u studentskim službama fakulteta Univerziteta u Bihaću. Evidentiranje studenata (kandidata) kreće od dana 04.06.2018. godine (ponedeljak).

IV Studentska služba fakulteta će kandidatima koji se prijave izdati odgovarajuću potvrdu.

V Uslovi:

- Visoko obrazovanje prvog, drugog, trećeg ciklusa, ili VSS-VII stepen stručne spreme
- Da je kandidat diplomirao na Univerzitetu u Bihaću
- Da se lice (kandidat) nalazi na evidenciji Zavoda za zapošljavanje i
- Da kandidat od dana sticanja visokog obrazovanja nije obavilo stručno usavršavanje, odnosno da nema radno iskustvo

Uz prijavu (sa tačno navedenom adresom stanovanja, e-mailom i kontakt telefonom) **potrebno je dostaviti slijedeće dokumente (ovjerene kopije – ne starije od tri mjeseca) i to:**

- Diplomu stečenu na Univerzitetu u Bihaću, ili uvjerenje o diplomiranju na UNBI
- Uvjerenje nadležne službe za zapošljavanje da se nalazi na evidenciji Zavoda za zapošljavanje.
- Ovjenu izjavu da od dana sticanja diplome visokog obrazovanja nije obavio stručno osposobljavanje, odnosno da nema radno iskustvo.

VI Proceduru prijema kandidata vrši organ državne službe, u skladu sa članom 6. Ugovora o načinu realizacije prijema diplomanata Univerziteta u Bihaću u kantonalne organe državne službe, kao lica na stručnom osposobljavanju bez zasnivanja radnog odnosa. Način komuniciranja organa državne službe i Univerziteta u Bihaću utvrđen je članom 5. istog Ugovora.

Poziv je otvorenog karaktera i objavit će se putem WEB stranice Univerziteta u Bihaću i WEB stranica fakulteta Univerziteta u Bihaću.

- Prijave sa dokazima o ispunjavanju navedenih ulova dostaviti lično na Fakultet (u prostoriju studentske službe) na kojem je kandidat diplomirao, odnosno stekao odgovarajuću stručnu spremu:

1. Ekonomski fakultet, Ul. Pape Ivana Pavla II 2/1, 77 000 Bihać, Telefon: 037 222 511 i 222 513
2. Biotehnički fakultet, Ul. Luke Marjanovića bb, 77 000 Bihać, Telefon: 037 228 059
3. Pedagoški fakultet, Ul. Luke Marjanovića bb, 77 000 Bihać, Telefon: 037 229 880 i 229 850
4. Tehnički fakultet, Ul. Irfana Ljubijankića bb, 77 000 Bihać, Telefon: 037 226 273
5. Pravni fakultet, Ul. Mehe Hadžiabdića, 77 000 Bihać, Telefon: 037 222 409



Rektor
Prof. dr. Fadil Islamović